

# ՄՈԼՈՐԱԿԻ ԲՆԱՊԱՐԴՊԱՆԱԿԱՆ ՃԳՆԱԺԱՄՆ ՈՒ ՎԵՐԱԿԱՆԳՄԱՆ ՏԵՍԼԱԿԱՆԸ



## ԲՈՎԱՆԴԱԿՈՒԹՅՈՒՆ

Նախաբան- ----- 2

Ներածություն- ----- 4

**ՄԱՍ 1 Գլուխ 1**

1.1 Դարաշրջանային Էվոյուցիա և կլիմայական անցումներ ----- 5

1.2 Մթնոլորտի դերը ----- 8

1.3 Ջերմոցային Էֆեկտ ----- 10

1.4 Մթնոլորտում ածխաթթու գազի բաղադրությունը՝ սառցե միջուկների վկայությամբ ----- 15

**ՄԱՍ 2 Գլուխ 2**

2.1 Կլիմայի փոփոխության ազդեցություն. անտառային հրդեհներ ----- 18

2.2 Կլիմայի փոփոխության ազդեցություն. օկվկիանոսի թթվայնացում -- 21

2.3 Կլիմայի փոփոխության ազդեցություն ջրհեղեղներ, ցունամիներ ----- 24

2.4 ՅուՆԿՍԿԻ ապագայի համար ----- 27

2.5 Կլիմայի Փոփոխության Հարմարվողականություն ----- 27

2.6 Հարմարվողականության Հիմնական Ռազմավարություններ ----- 28

2.7 Հարմարվողականություն գյուղատնտեսության Մեջ ----- 29

2.8 Հարմարվողականություն ջրի կառավարման մեջ ----- 30

3.0 Հարմարվողականություն գիտելիքների փոխանակման մասին ----- 31

**Աղբյուրներ -----32**

## Նախաբան

Սույն ձեռնարկը նվիրված է Երկրի բնապահպանական ճգնաժամին՝ կենտրոնանալով կլիմայի փոփոխության պատճառներին, դրսևորումներին և հնարավոր վերականգնման ուղիներին: Այն համակողմանիորեն ներկայացնում է գիտական հիմնավորումներ, պատմական համեմատություններ և գործնական օրինակներ, որոնք շեշտադրում են, թե ինչպես է մարդկային գործունեությունը խաթարել մոլորակի բնական հավասարակշռությունը՝ խաթարելով շրջակա միջավայրի համակարգերի բարդ ու զգայուն փոխհարաբերությունները: Մինևս՝ ժամանակ՝ մատնանշվում է հուսադրող տեսլական, որը հիմնված է համաշխարհային մակարդակի համագործակցության վրա և նորարար տեխնոլոգիաների կիրառմամբ կայուն ու վերականգնվող ապագայի կառուցման հնարավորությունների վրա:

Ձեռնարկը նպատակաուղղված է լայն լսարանին՝ ներառելով ուսանողներին, բնապահպաններին, քաղաքական և հասարակական որոշում կայացնողներին, ինչպես նաև բոլոր այն անձանց, ովքեր հետաքրքրված են կլիմայի խնդիրներով: Այն առաջարկում է ամուր գիտական փաստարկներ և ինտերակտիվ տեսողական նյութեր, որոնք նպաստում են բարդ թեմաների հեշտ ընկալմանը և խորքային հասկացողության ձևավորմանը:

Ձեռնակի հիմնական թեմաները ընդգրկում են **կլիմայի փոփոխության պատճառներն ու հետևանքները, մթնոլորտի կարևոր դերակատարությունը, ջերմոցային էֆեկտի մեխանիզմները, Էկոհամակարգերի խախտումները, գլոբալ շրջակա միջավայրի աղետները, միջազգային կազմակերպությունների գործունե գործողություններն ու կլիմայի փոփոխության հարմարվողականության ռազմավարությունները:** Տվյալներն ամբողջությամբ թարմացված են 2025 թվականի օգոստոսի դրությամբ, ընդգրկելով վերջին CO<sub>2</sub>-ի մակարդակը, օվկիանոսի ջրի բաղադրության, Երկրի միջին ջերմաստիճանի փոփոխությունները և այլ հավաստի վիճակագրական տվյալներ:

Ձեռնարկում ընդգրկվել են նաև հայաստանյան իրական օրինակներ, օրինակ՝ Սևանա լճի ջրի մակարդակի փոփոխությունները, որոնք կապված են կլիմայական փոփոխությունների հետ:

Այս աշխատությունը ստեղծվել է **COLLAGE** ծրագրի շրջանակում (Collect, Structure, and Disseminate Knowledge on Climate Adaptation in Armenia / Զավաքագրել, կառուցել և տարածել գիտելիքները կլիմայի փոփոխության հարմարվողականության վերաբերյալ Հայաստանում/), որը ֆինանսավորվում է Հարմարվողականության հիմնադրամի (Adaptation Fund) կողմից և իրականացվում Հայաստանի Հանրապետության **«Բնապահպանական ծրագրերի իրականացման գրասենյակ» (EPIU)** պետական հիմնարկության միջոցով:

COLLAGE ծրագիրը նպատակ ունի հավաքագրել, համակարգել և լայնորեն տարածել գիտելիքներ կլիմայի փոփոխության հարմարվողականության ոլորտում, հատկապես գյուղատնտեսության գոտում: Այն նաև նպատակ է դնում կիսվել ձեռքբերումներով ու քաղված դասերով երկու արդեն իրականացված ծրագրերից՝ «Արթիկ քաղաքի փակված քարհանքի թափոնների և ջրհեղեղների կառավարում» և «ՀՀ բնության հատուկ պահպանվող տարածքներին հարակից Էկոհամակարգերի և համայնքների հարմարվողականության կարողությունների ամրապնդում» նախագծերից:

**Այս ձեռնարկը ծառայելու է որպես COLLAGE ծրագրի գիտելիքների տարածման կարևոր գործիք՝ նպաստելով հարմարվողականության կարողությունների բարձրացմանը Հայաստանում, հատկապես այն տարածաշրջաններում, որոնք առավել խոցելի են երաշտի ազդեցության նկատմամբ: Այն կարող է նաև ծառայել որպես կրթական և տեղեկատու աղբյուր միջազգային մակարդակում՝ աջակցելով գիտական, քաղաքական և մասնագիտական համայնքներին՝ կլիմայի փոփոխության, հարմարվողականության և կայուն զարգացման ուղղություններով քաղաքականությունների և գործողությունների մշակման գործում:**

## Ներածություն

Կլիմայի փոփոխությունն այսօր դարձել է ոչ միայն գիտական մտահոգություն, այլև **էթիկական, սոցիալական, տնտեսական և քաղաքական ճգնաժամ**, որը ազդում է գրեթե բոլոր ոլորտների վրա՝ առողջապահությունից մինչև ազգային անվտանգություն:

Երկրի միջին ջերմաստիճանը, որը վերջին սառցե դարաշրջանից ի վեր պահպանվել է հարաբերականորեն կայուն՝ մոտ **13.5°C**, արդյունաբերական հեղափոխությունից հետո սկսել է արագ աճել: Այսօր այն արդեն գերազանցում է նախաարդյունաբերական մակարդակը ավելի քան **1.1°C**-ով և 2025 թվականին հասել է մոտ **14.6°C-ի**: Թվացյալ փոքր այս ջերմաստիճանի աճը խորքային էկոհամակարգային խախտումներ է առաջացրել՝ ազդելով կենդանական և բուսական աշխարհի բաշխման, հիդրոլոգիական ցիկլերի և բնական ռեսուրսների վրա:

Այս գլոբալ ճգնաժամը հատկապես նկատելի է տեղական մակարդակում, ինչպես նաև Հայաստանում, որտեղ **COLLAGE** ծրագիրը կենտրոնանում է գյուղատնտեսության հարմարվողականության ամրապնդման վրա՝ գիտելիքներ հավաքագրելով ջրի, հողի, անտառների և մշակաբույսերի կառավարման ոլորտներում: Ծրագիրը, որը իրականացվում է **EPIU-ի** և Հայաստանի երեք պետական համալսարանների համագործակցությամբ՝ Հայկական ազգային ագրարային համալսարանի, Հայկական պետական տնտեսագիտական համալսարանի և Հայաստանի ազգային պոլիտեխնիկական համալսարանի, կապում է գիտական հետազոտությունները տեղական համայնքի փորձառության հետ՝ նպատակ ունենալով **նվազեցնել կլիմայական ռիսկերը**, հատկապես երաշտից առավել խոցելի Արարատյան դաշտավայրում, որտեղ երաշտի ազդեցության տակ է մոտ **15%** հողերի տարածքը:

## ՄԱՍ 1


### Գլուխ 1

#### 1.1 Դարաշրջանային Էվոլյուցիա և կլիմայական անցումներ

Մոլորակի պատմության ընթացքում արձանագրվել են բազմիցս սառցե և միջսառցե դարաշրջաններ: Վերջին սառցե դարաշրջանը՝ Պլեյստոցենը, ավարտվել է մոտ 11,700 տարի առաջ: Դրանից հետո սկսված Հոլոցեն դարաշրջանը բնութագրվել է համեմատաբար կայուն կլիմայով, որը հնարավորություն տվեց զարգացնել գյուղատնտեսությունը և հիմնել քաղաքակրթությունները:



*Pleistocene*



Երկրաբանական ժամանակի սանդղակ:


Սակայն վերջին երկու դարերի ընթացքում մարդու գործունեությունը՝ արդյունաբերական զարգացումներն ու անտառահատումները, հողերի ինտենսիվ շահագործումը և հումքային վառելիքի զանգվածային այրումը, զգալիորեն փոխեցին մթնոլորտի զազերի բաղադրությունը՝ բարձրացնելով ջերմոցային զազերի մակարդակը և խախտելով մոլորակի **բնական Էկոհամակարգերի հավասարակշռությունը**:

Էկոհամակարգային խախտումների հիմնական դրսևորումները ընդգրկում են՝

- Սեզոնային ռիթմերի խախտում՝ ծաղկման և բերքատվության ժամանակացույցի փոփոխություն,
- Կենսաբազմազանության արագ կորստի գործընթաց,
- Օվկիանոսների թթվայնացման մեծացում, որը բացասաբար է անդրադառնում ձկնատեսակների և ծովային այլ կենդանական աշխարհի վրա,
- Անտառների դեգրադացիա և հրդեհների հաճախացում,
- Տեղումների ռեժիմի փոփոխություններ, որոնք հանգեցնում են երաշտների կամ ջրհեղեղների:

**Չայաստանում կլիմայական պատմական արտակարգ դեպքեր**

Հայաստանի տարածքը բազմիցս բախվել է կլիմայական ծայրահեղ երևույթների՝ դեռ մինչև գլոբալ տաքացման արագացումը: Օրինակ, 1930-ականների երաշտը ծանր հետևանքներ ունեցավ գյուղատնտեսության վրա, հատկապես Արարատյան դաշտավայրում և Վայոց Ձորում, երբ հողի խոնավությունը նվազեց մինչև 50%-ով, բերքի կորուստները՝ մինչև 70%-ով: Խոշոր հրդեհներ արձանագրվել են նաև Սյունիքի և Լոռու անտառներում, օրինակ՝ 1998 թվականի ամռանը, երբ հրդեհները ոչնչացրին շուրջ 1200 հա անտառածածկ տարածք:



### Հայաստանի երաշտի և հրդեհների ռիսկի քարտեզ

Սևանա լճի մակարդակի անկման տևական միտումը, որն ավելի քան մեկ մետր էր 1930–1980-ական թվականներին, հանգեցրեց ջրային կենսաբազմազանության էական կորստի:

Այս պատմական օրինաչափությունները ցույց են տալիս, որ Հայաստանը միշտ էլ եղել է կլիմայական ռիսկերին ենթակա, սակայն ներկայումս փոփոխությունների արագությունն ու ինտենսիվությունը աննախադեպ են:

## 1.2 Մթնոլորտի դերը


Մթնոլորտը մեր մոլորակի անտեսանելի, բայց կենսական «վահանն» է:

Այն պաշտպանում է երկիրը երկնաքարերից և արևի **վնասակար** ճառագայթումից, իսկ ամենակարևորը՝ պահպանում է ջերմության հավասարակշռությունը՝ կանխելով գիշերային սառնամանիքները և ցերեկային գերտաքացումը:

Չամեմատության համար՝

- Վեներա մոլորակի մթնոլորտը բաղկացած է **96% CO<sub>2</sub>**-ածխաթթու գազից, ինչը հանգեցնում է մոլորակի միջին ջերմաստիճանի մոտ **462°C** լինելուն:
- Լուսինը մթնոլորտ չունի, որի պատճառով ջերմաստիճանը ցերեկը հասնում է մոտ **127°C**, իսկ գիշերը նվազում է մինչև **-173°C**:

Այս համեմատությունները վկայում են մթնոլորտի առանցքային դերի մասին՝ **ջերմաստիճանի հավասարակշռման և կյանքի պահպանման** գործում:



#### Վեներա մոլորակ

Երկրի մթնոլորտի մեծ մասը կազմված է ընդամենը մի քանի գազերի՝ ազոտի, թթվածնի և արգոնի խառնուրդից: Այդ գազերը, որոնք առավել տարածված են մթնոլորտում, գրեթե ոչ մի ազդեցություն չեն ունենում **Երկրի** և նրա մթնոլորտի տաքացման վրա, քանի որ չեն կլանում տեսանելի կամ ինֆրակարմիր ճառագայթումը: Այնուամենայնիվ, կան գազեր, որոնք կազմում են մթնոլորտի միայն մի փոքր մասը (բոլոր օդային մոլեկուլների մոտ **0.43%**-ը, որոնց մեծ մասը ջրային գոլորշի է՝ **0.39%**), որոնք կլանում են ինֆրակարմիր ճառագայթումը:



**Երկրի չոր մթնոլորտի կազմը (2009 թվականի դրությամբ)**

<b>Ազոտ</b>	78.1%
<b>Թթվածին</b>	20.9%
<b>Արգոն</b>	0.9%
<b>Ածխածնի երկօքսիդ</b>	0.042%
<b>Մեթան</b>	.000193%
<b>Ազոտի օքսիդ</b>	.0000338%
<b>Չծմբի հեքսաֆտորիդ</b>	.00000000118%

Ջրային գոլորշին ամենակարևոր **ջերմոցային գազն** է, քանի որ համաշխարհային մասշտաբով այն գազերից ամենատարածվածն է: Ջերմոցային գազերի թվում են **ածխաթթու գազը** (երկրորդ ամենակարևոր ջերմոցային գազը), **մեթանը**, **ազոտի օքսիդը**, **ծծմբի հեքսաֆտորիդը**, օզոնը և մի քանի այլ գազեր: Չնայած այս գազերը կազմում են **երկրի** մթնոլորտի միայն մի փոքր մասը, դրանց քանակը բավարար է մթնոլորտում ինֆրակարմիր լույսի մեծ մասը կլանելու համար:

### 1.3 Ջերմոցային Էֆեկտ

Մթնոլորտային հետքային գազերի մեծ մասը, չնայած իրենց համեմատաբար աննշան քանակությանը, զգալի ազդեցություն ունեն **երկրի** կլիմայի վրա՝ «**Ջերմոցային Էֆեկտ**» կոչվող երևույթի պատճառով:




**Ածխածնի երկօքսիդը (CO<sub>2</sub>) անգույն**, անհոտ գազ է, որի մոլեկուլը բաղկացած է երկու թթվածնի ատոմներից և մեկ ածխածնի ատոմից: Ածխածնի երկօքսիդն առաջանում է, երբ օրգանական ածխածնային միացությունները (օրինակ՝ փայտ, ածուխ, նավթ կամ բնական գազ) այրվում են թթվածնի առկայությամբ: Ածխածնի երկօքսիդը մթնոլորտից հեռացվում է ածխածնի երկօքսիդի «կլանիչների» միջոցով, ինչպիսիք են ծովի ջրի կողմից կլանումը, օվկիանոսում բնակվող պլանկտոնի և ցամաքային բույսերի կողմից՝ ֆոտոսինթեզի միջոցով:




**Մեթանը (CH<sub>4</sub>) անգույն**, անհոտ, ոչ թունավոր գազ է, որի մոլեկուլը բաղկացած է չորս ջրածնի և մեկ ածխածնի ատոմներից: Մեթանը այրվող է և բնական գազի հիմնական բաղադրիչն է: Մեթանը մթնոլորտ է

արտանետվում, երբ օրգանական նյութերը քայքայվում են թթվածնի **ցածր պարունակությամբ միջավայրում**: Բնական աղբյուրներից են **ճահիճները, տերմիտները<sup>1</sup> և օվկիանոսները**: Մարդածին աղբյուրներից են **բրածո վառելիքի արդյունահանումը, բնական գազի արտահանումը, խոշոր եղջերավոր անասունների մարսողական գործընթացները, բրնձի դաշտերը և աղբի թափոնները**:



**Ազոտի օքսիդը (N<sub>2</sub>O ) անգույն**, չայրվող գազ է՝ քաղցր հոտով, որը հայտնի է որպես «ծիծաղացնող գազ», ինչպես նաև բժշկության մեջ օգտագործվում է որպես անզգայացնող միջոց: Ազոտի օքսիդը արտադրվում է օվկիանոսներում և անձրևային անտառներում<sup>2</sup>: Ազոտի օքսիդի մարդածին աղբյուրներից են գյուղատնտեսության մեջ **պարարտանյութերի օգտագործումը, նեյլոնի և ազոտաթթվի արտադրությունը, կատալիտիկ փոխարկիչներով մեքենաները և օրգանական նյութերի այրումը**:



**Ծծմբի հեքսաֆտորիդը (SF<sub>6</sub> ) չափազանց** հզոր ջերմոցային գազ է: SF<sub>6</sub>-ը շատ կայուն է, որի մթնոլորտային կյանքի տևողությունը **ավելի քան հազար տարի** է: Այսպիսով, **SF<sub>6</sub>-ի** համեմատաբար փոքր քանակը կարող է զգալի երկարաժամկետ ազդեցություն ունենալ **գլոբալ կլիմայի փոփոխության վրա**: SF<sub>6</sub>-ը մարդածին է, և դրա հիմնական օգտագործողը էլեկտրաէներգիայի արդյունաբերությունն է: Իր **իներտության և դիէլեկտրիկ** հատկությունների շնորհիվ այն արդյունաբերության

<sup>1</sup> Տերմիտներ (*termites*) — միջատներ, որոնք սնվում են հիմնականում ցելյուլոզ պարունակող նյութերով (փայտ, չոր տերևներ, հողում օրգանական մնացորդներ) և կարևոր դեր են խաղում հողի օրգանական նյութերի քայքայման ու սննդանյութերի շրջանառության մեջ:

<sup>2</sup> Անձրևային անտառ (*rainforest*) — խոնավ և տաք կլիմա ունեցող անտառ, որտեղ տեղումները գերազանցում են տարեկան 2000 մմ-ը, բնորոշ է բարձր կենսաբազմազանությամբ և բազմաշերտ կառուցվածքով: Օրինակներ՝ Ամազոն, Կոնգոյի ավազան, Զարավ-Արևելյան Ասիա:


նախընտրելի գազն է **Էլեկտրական մեկուսացման, հոսանքի ընդհատման և աղեղային մարման (հրդեհները կանխելու համար) համար Էլեկտրաէներգիայի փոխանցման և բաշխման մեջ**: SF6- ը լայնորեն օգտագործվում է բարձր լարման անջատիչներում և բաշխման սարքավորումներում, ինչպես նաև մագնեզիումի մետաղի ձուլման արդյունաբերության մեջ:

**Արևը**, վերջին հաշվով, որոշում է **Երկրի** կլիման՝ արձակելով Էներգիա արևի լույսի տեսքով: Արևի լույսը արեգակնային ճառագայթում է հիմնականում տեսանելի և ավելի փոքր մասամբ՝ ուլտրամանուշակագույն (UV) Էներգիայի տեսքով: Այն նաև կոչվում է կարճալիք ճառագայթում: Ամպերը և Երկրի մակերեսը ներթափանցող արեգակնային ճառագայթման մի մասը հետ են անդրադարձնում դեպի տիեզերք (մոտավորապես 30%), մի մասը (հիմնականում ուլտրամանուշակագույն) կլանվում է մթնոլորտի կողմից (մոտ 20%), իսկ մնացած կեսը կլանվում է Երկրի մակերեսին: Երկրի մակերեսի կողմից կլանված արևի լույսը տաքացնում է մակերեսը: Երկրի մակերևույթի կողմից կլանված արեգակնային Էներգիան այնուհետև ճառագայթվում է այլ ձևով: Քանի որ Երկիրը շատ ավելի զով է, քան Արեգակը, այն ինֆրակարմիր տիրույթում արձակում է ավելի թույլ ճառագայթում՝ ավելի երկար ալիքի երկարությամբ: Այս ինֆրակարմիր ճառագայթման մի մասն անարգել անցնում է մթնոլորտով, բայց **մեծ մասը կլանվում է ջերմոցային գազերի կողմից**, ապա վերաճառագայթվում է **բոլոր** ուղղություններով՝ **դեպի տիեզերք, դեպի այլ ջերմոցային գազերի մոլեկուլներ և հետ՝ Երկրի մակերևույթ**: Այս կերպ, ջերմոցային գազերը արգելափակում են մթնոլորտում գտնվող ինֆրակարմիր ճառագայթման մեծ մասը, որը այլապես ուղղակիորեն կանդրադառնար տիեզերք: Այդ գործընթացը բնական է և օգտակար, քանի որ այն պահպանում է Երկրի մանրէների, կենդանիների և բույսերի համար բարենպաստ կենսապայմաններ: Համաշխարհային միջին ջերմաստիճանը **14°C (57°F)** է, որը մոտավորապես **33°C (59°F)** ավելի բարձր է, քան մթնոլորտի և ջերմոցային գազերի բացակայության դեպքում եղած ջերմաստիճանը:

Ինֆրակարմիր ճառագայթումը կլանելու իրենց ունակության շնորհիվ ջերմոցային գազերի մոլեկուլները զգալի ազդեցություն ունեն Երկրի կլիմայի վրա՝ գործելով որպես «ջերմությունից» փախչելու արգելք:

Գիտնականները դեռ **19-րդ** դարի կեսերից հասկացել են, որ մթնոլորտային գազերի կոնցենտրացիաները կարող են զգալիորեն ազդել երկրի կլիմայի վրա՝ ջերմոցային էֆեկտի միջոցով: Սակայն այս գազերի ճշգրիտ և շարունակական չափումները սկսվել են միայն **1958** թվականին, երբ **Չարլզ Քիլինգը** մեկնարկեց **CO<sub>2</sub>-ի** կոնցենտրացիաների մշտադիտարկումը Յավայան կղզիներում: Շուտով նրան հետևեցին այլ հետազոտական խմբեր: Այսօր կան անվիճելի գիտական ապացույցներ, որ ջերմոցային գազերի մակարդակը մթնոլորտում աճում է: Դրանք ներառում են տասնամյակների ընթացքում ստացված հստակ տրամաչափված գլոբալ չափումներ, ինչպես նաև սառցե միջուկների օդային պղպջակների և ծառերի օղակներում ածխածնի իզոտոպների վերլուծությունները, որոնք թույլ են տալիս վերականգնել **անցյալի մթնոլորտային CO<sub>2</sub>-ի մակարդակները: Մթնոլորտային ջերմոցային գազերի այս աճը խախտում է երկրի մուտքային և ելքային ճառագայթման հավասարակշռությունը՝ նպաստելով կլիմայի փոփոխությանը:** Քանի որ մթնոլորտում ջերմոցային գազերի կոնցենտրացիաները մեծանում են՝ **ավելի շատ** ինֆրակարմիր ճառագայթում է կլանվում և **ավելի քիչ**՝ ուղղակիորեն տիեզերք է անդրադարձվում, ինչն էլ հանգեցնում է տաքացման ուժեղացմանը: Սա կոչվում է ջերմոցային էֆեկտի ուժեղացում:

Այդ մթնոլորտային գործընթացը կոչվում է **ջերմոցային էֆեկտ**, քանի որ և՛ մթնոլորտը, և՛ ջերմոցը գործում են այնպես, որ էներգիան պահպանվում է որպես ջերմություն: Սակայն սա թերի անալոգիա է: Ջերմոցը գործում է հիմնականում՝ կանխելով գետնին մոտ գտնվող տաք օդի (որը տաքանում է ներթափանցող արևային ճառագայթմամբ) բարձրացումը կոնվեկցիայի պատճառով, մինչդեռ մթնոլորտային ջերմոցային էֆեկտը գործում է՝ կանխելով ինֆրակարմիր ճառագայթման կորուստը դեպի տիեզերք: Այս նուրբ տարբերությանը չնայած, մենք այս մթնոլորտային գործընթացը անվանում ենք ջերմոցային էֆեկտ, իսկ այս գազերը՝ **ջերմոցային գազեր**՝ երկրի տաքացման գործում իրենց դերի պատճառով:




Արևային ճառագայթման մուտքը, անդրադարձումը և ջերմության պահպանումը ջերմոցային գազերի կողմից

Նախաարդյունաբերական ժամանակաշրջանում  $\text{CO}_2$ -ի պարունակությունը մթնոլորտում կազմում էր մոտ 280 ppm (մաս մեկ միլիոնից), մինչդեռ այսօր այն անցել է 420 ppm-ի շեմը:

Գազ	Ջիմնական աղբյուրներ	Ազդեցության տևողությունն մթնոլորտում
$\text{CO}_2$	Հանածո վառելիք, անտառահատում	Հարյուրավոր տարիներ
$\text{CH}_4$	Անասնապահություն, պերմաֆրոստ	12 տարի
$\text{N}_2\text{O}$	Պարարտանյութեր	114 տարի

Ջերմոցային գազերի ավելցուկը խախտում է մթնոլորտի ջերմային հավասարակշռությունը, ինչի հետևանքով ծովի մակարդակը բարձրանում է, սեզոնային ռիթմերը խաթարվում են, և ծայրահեղ եղանակային երևույթների հաճախականությունը մեծանում է:



Ածխաթթու գազի կոնցենտրացիայի աճը սկսած 1700թ առ այսօր:

<https://keelingcurve.ucsd.edu/>

#### 1.4 Մթնոլորտում ածխաթթու գազի բաղադրությունը՝ սառցե միջուկների վկայությամբ

**Սառցե միջուկ** (ice core) կոչվում է հաստ սառցաշերտերից հորատման միջոցով վերցված երկար, գլանաձև սառցի նմուշը: Սառույց, որը ձևավորվել է հազարավոր տարիների ընթացքում՝ երբ ձյունը տարիներ շարունակ կուտակվել է, սեղմվել և վերածվել սառույցի: Ձյան թարմ շերտերի մեջ պահպանվում են փոքրիկ **օդային պղպջակներ**, որոնք տվյալ ժամանակվա մթնոլորտային օդն են՝ ամբողջությամբ փակված և փոփոխություններից զերծ:

Գիտնականները ուսումնասիրում են այդ պղպջակները և չափում դրանց մեջ եղած գազերի՝ **CO<sub>2</sub>**, **CH<sub>4</sub>** և **N<sub>2</sub>O**-ի կոնցենտրացիաները: Այդպես հնարավոր է պարզել, թե վերջին հարյուր հազարավոր տարիներին մթնոլորտում ինչպիսի բաղադրություն է եղել:



<https://crowcanyon.org/ice-core-studies/>


Սառցե միջուկները հիմնականում վերցնում են Անտարկտիդայի հայտնի հետազոտական տարածքներից՝ **Vostok**, **EPICA Dome C** և **Law Dome**:

- **EPICA Dome C** սառցե միջուկները թույլ են տալիս հետ գնալ մինչև մոտ 800,000 տարի առաջ:
- **Law Dome** սառցե միջուկները ընդգրկում են վերջին մի քանի հազար տարիները՝ մինչև 20-րդ դարի սկիզբը:
- Ժամանակակից չափումները կատարվում են ուղիղ մթնոլորտում՝ Mauna Loa (Հավայան կղզիներ), Alert (Կանադա) և Յարավային բևեռում:


Այդպիսի համադրությամբ մենք ստանում ենք շատ հստակ պատկեր, թե ինչպես են փոխվել մթնոլորտային գազերի մակարդակները՝ սառցադաշտային և միջսառցադաշտային շրջանների ընթացքում, և հատկապես որքան կտրուկ աճ են ունեցել արդյունաբերական դարաշրջանից հետո:

Արդյունահանված սառույցի նմուշը ուսումնասիրելով՝ հետազոտողներին հաջողվել է վերականգնել **ջերմաստիճանի և մթնոլորտային ճնշման** տատանումների վերաբերյալ տվյալները: Նրանք ծանոթացել են մթնոլորտային շրջանառության և քամու ռեժիմների փոփոխությունների, ինչպես նաև մթնոլորտի կազմի տատանումների մասին տասնյակ կամ նույնիսկ **հարյուր հազարավոր տարիների** ժամանակային մասշտաբով: Սառցե միջուկի **մանրէաբանական և մոլեկուլային** կենսաբանության

ուսումնասիրությունները նաև հնարավորություն են տալիս հետևել **երկրի** վրա կլիմայի փոփոխության պատմության տարբեր ժամանակահատվածներում ձևավորված սառցե շերտերի միկրոբային բազմազանության էվոլյուցիային:



Վերջին 800,000 տարվա ջերմաստիճանային և CO<sub>2</sub> տատանումներ սառցե միջուկների տվյալներով համակցված:



<https://science.nasa.gov/climate-change/>

Ճարուևակությունը կարդալ ՄԱՍ 2

Աիդա Սարգսյան, ԲԾԻԳ ԴՅ